

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0062414 26
Zenica, 30.04.2026. godine

OPĆINSKOM SUDU U VISOKOM
- Sudiji za prethodno saslušanje -
VISOKO

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, *p o d i ž e m*

O P T U Ź N I C U

Protiv,

C. A., ...,

što je,

Dana 05.02.2025. godine, u Visokom, u ulici ..., prilikom pretresa kuće, suprotno odredbama člana 4. stav 1.,2., 3. i 5. u vezi sa članom 19. i 20. Zakona o sprečavanju i suzbijanju opojnih droga BiH, radi dalje neovlaštene prodaje kod sebe držao opojnu drogu „metilendioximetamfetamin (MDMA)“ i psihotropnu supstancu mefedron i 2 metilmetkatinon (2 MMC) upakovanu u alufolijski paketić žute materije neto mase 4,470 grama, alufolijski paketić svijetlo-smeđe kristalne materije neto mase 8,540 grama, prozirna pvc zip vrećica sa svijetlo-smeđe kristalne materije neto mase 3,140 grama, bijeli pvc paketić svijetlo-smeđe kristalne materije neto mase 6,696 grama i alufolijski paketić svijetlo-smeđe kristalne materije neto mase 18,440 grama koja opojna droga je pod rednim brojem 12. liste psihotropnih tvari iz tabele I „Zabranjene tvari i biljke“ proglašena takvom, opojnu drogu „amfetamin“ zapakovanu u prozirnu pvc zip vrećicu svijetložute materije neto mase 25,504 grama, koja opojna droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ i opojnu drogu „Cannabis“ zapakovanu u zeleno pvc pakovanje biljne materije neto mase 9,842 grama, koja droga je pod rednim brojem 13. Liste opojnih droga iz Tabele I „Zabranjene tvari i biljke“ proglašena takvom, zatim digitalnu vagu za precizno vaganje marke „...“ iako je bio svjestan da je prodaja opojne droge zakonom zabranjena, što je i htio, a koja opojna droga i predmeti su pronađeni i oduzeti pri vršenju radnji pretresanja po naredbi Općinskog suda u Visokom broj: ... od 05.02.2025. godine

dakle, neovlašteno radi dalje prodaje posredovao u prodaji opojne droge,

čime je počinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH.

Radi toga, stavljam

P R I J E D L O G
dokaza koje treba izvesti

...

3. Također predlažemo sudu da u skladu sa odredbama člana 78. i 239. stav 4. KZ F BiH osumnjičenom C. A. izrekne mjeru sigurnosti oduzimanja predmeta-opojnu drogu „metilendioximetamfetamin (MDMA)“ i psihotropnu supstancu mefedron i 2 metilmetkatinon (2 MMC), opisanu u dispozitivu ove optužnice, u neto količini od 42,051 grama preostalu nakon vještačenja, opojnu drogu „amfetamin“ u neto količini od 25,474 grama i opojnu drogu „cannabis“ u neto količini od 9,816 grama, a koja droga se nalazi pohranjena u depozitu PS Visoko.